



00020

劔南詩彙目錄

卷第七十一

憶答

雜詠十首

曉思

幽居二首

齋幽居

卽事

九首

醉歸

二首

書南堂壁

二首

五月

雨

蠶麥

早至園中

憶雲門諸寺

韻士曾興宗字光祖以其居簞簞谷圖來

求詩

以菜茹飲酒自嘲

五月二十一

日風雨大作

寄題栝蒼陳伯予主簿平

劔南詩彙

卷七十一

汲古閣

楚亭

卽事

梅雨初霽

夏日雜題

六首

晚興

急雨

聽雨

窮居戲詠

讀

窮居五字慨然有感復作一首自解 蒙

恩封渭南縣伯因刻渭南伯印 題門壁

雨霽

西村晚歸

連日雲興氣濁雨

意欲成西南風輒大作比夜月明如晝

考古

殘春無幾述意

二首

南堂晨坐

記悔

東園晚興

晨起行園中

雷雨

戲書燕几首二

喜雨 閒適 早晴

翦牡丹感懷 偶觀舊詩書歎 聞蜀盜

已平獻馘廟社喜而有述 晚雨 雨晴

起晚自嘲 閒中偶詠首一 晚步湖塘

少休民家 獨酌罷夜坐 雨中出門閒

望有作 示二子 道室秋夜首二 醉題

自詠首二 秋晴 門外獨望 貧歌

秋晚雜興首十二 霜風 贈丐士 贈目

劔南詩彙 卷七十一 汲古閣

眇者

劔南詩彙目錄 卷七十

一終

劔南詩藁卷第七十一

憶筭

憶筭紹興中束帶陪衆彥沐浴雨露私艸木盡
葱蒨一朝寤達異相遇忘慶唁遠官楚蜀間寂
寞返鄉縣于時同舍郎貴者至鼎鉉數奇益自
屏短褐失貧賤俯仰五十載未媿金百鍊忍飢
菰蘆間生理僅如綫寤交誰耐久晨莫一破硯
歡歌楓林下萬事付露電惟有孤舟興所至多
劔南詩藁

卷之七十一

汲古閣

勝踐衡茅無定止何處非郵傳炊煙起沙際跳
魚裂波面嘔啞緯車鳴隱翳漁火見簫鼓樂水
神鐘梵鬧竹院我詩雖日衰得句尙悲健巍巍
闕里門未嘗棄狂狷放浪終餘年造物不汝譴

雜詠

仕困風波歸可樂生如疣贅死何悲極知此手
終無巧那得隨人儘作癡

又

鏡中顏狀年年改海內交朋日日疎一慟寢門
生意盡從今無復季長書

近聞張季長物故

女郎花樹新移種官長梅園亦探租作盡人間

兒戲事誰知空橐一錢無

鄉人謂揚梅止曰梅官長其高品也

一日日寤寤不醒一年年老老如期黃河却有

逢清曰白髮應無返黑時

劔南詩橐

卷之七十二

汲古閣

又

世間萬事本悠悠自古詩人易白頭莫羨老夫
垂九十年添得一年愁

夸士騎牛著鐵冠往來城市擁途觀爭如老子
無奇怪惟是蓑衣伴釣竿

又

家圃菜肥忘肉食村場酒美勝官壺終年醉飽

無憂責莫怪愚公老不枯

又

官途所至尚偷閑
何況湖邊晝掩關
未愛好風吹醉袖
且貪微雨養盆山

又

斜風吹雨晚空濛
獨立溪邊兩鬢蓬
便過此生何所恨
百年強半水雲中

又

劔南詩豪

卷之七十一

汲古閣

病起清臞不自持
紗巾一幅倚筇枝
水沉香冷紅蕉晚
恰似道山群玉時

曉息

算年多感愴孤夢久不成
殘燈暗無焰宿雨滴
有聲食少夜常飢
展轉空腸鳴老雞
雖三號山窗終未明
默誦舊記書更覺負平生
披衣搔短髮壯志浩縱橫

幽居

策府還家又五年心常無事氣常全平生本不
營三窟此日何須直一錢雨霽桑麻皆沃若地
偏雞犬亦翛然閉門便造桃源境不必秦人始
是仙

又

橫艸無功負主恩一生強半臥衡門蠹書身世
元無憾伏櫪光陰不更論春雨負薪蘭渚市秋
風采藥石帆村更思旋糴場中麥暖熟塵埃老
劔南詩藁

卷之七十一
四

汲古閣

瓦盆

幽居卽事

采藥鹿門山釣魚富春渚君看此氣象何止輩
伊呂直令終不偶後人會知汝亦不妨著書世
世祕囊褚

又

野寺促晨裝古驛休破橐雖云行役苦客子心
獨樂家山幸歸來未免歎拘縛安得萬里天翻

然下孤鶴

又

暮年乞殘骸竊巷事幽屏晨興食一簞有味敵
五鼎終日無再炊奈此夏晝永枯腸不禁攪戒
婢罷煮茗

又

小磴落雪花修鯁汲牛乳幽人作茶供爽氣生
眉宇年來不把酒杯榼委塵土臥石聽松風蕭
劔南詩藁

卷之七十一
五

汲古閣

然老桑苧

又

日鑄歲幾何苞苴遍權門野人求其類金墀實
第曷超然高世韻何獨驅睡昏安得如吾宗坐
致顧渚園

又

酒能忘事物不過在醉時麴蘖力既盡萬緒如
益絲阿堵雅見疎歡伯難與期自憐善用短時

誦止酒詩

又

薰艾割蜜房荷鋤掘吳朮誰烹彌明鼎來薦維
摩室厚味不膾毒上藥能愈疾今夕風月佳良
會不可失

又

古人在山林躬自事樵汲我雖迫耄期勤慎亦
在習掃地拂几硯何遽力弗給却笑杜陵翁多
劔南詩豪

卷之七十一
六

汲古閣

臥少行立

又

屏居江海涯杳杳菰蒲淡俛仰夏令中澤國正
多陰桑椹熟以紫水鳥時遺音偶得一瓢酒隣
里聊相尋

醉歸

夜分飲散酒家壚歸路迢迢月滿湖小豎竊言
翁未醉入門猶記露菖蒲

又
鳥相陰中把酒杯山園處處熟楊梅醉行蹠蹠
人爭看蹋盡斜陽蹋月來

書南堂壁

數間破屋住荒郊暑雨時須自補茅多病篇章
無傑思長閑樵牧有新交荒唐但向先師媿骯
髒寧辭薄俗嘲偶有會心成獨笑一林春筍放

煙梢

劔南詩藁

卷之七十一
七

汲古閣

又

心溷元知面合團愚公骨相却酸寒雲山萬疊
猶嫌淺茆屋三間已覺寬菜長何妨供小摘花
開聊得助幽歡今朝忽有西村興著起芒鞋不
作難

五月雨

詩

空濛五月雨景氣一番新換盡園林葉洗空衢
路塵山郵惱行客野渡滯歸人獨有龜堂叟涼

風吹肉巾入我衣

蠶麥

村村桑暗少桑姑戶戶麥豐無麥奴又是一年

春事了繅絲擣麩笑相呼

早至園中

湖上空濛雨熟梅清晨岸幘一悠哉幽花不恨
艸埋沒密樹豈知禽去來舊爲愛茶分水器近
緣炊爨得琴材小丘僅見山如髻尙媿韓公八
劔南詩藁

卷之七十一

汲古閣

尺臺

憶雲門諸寺

三百六十日安可日日愁四百八十寺要須寺
寺遊雲門若耶間到處可淹留金像闕古殿霜
鐘發重樓臨澗見魚躍穿林聞鹿啣亦有疎豁
處白鷺下綠疇僧固非盡佳終勝從公侯夜闌
煎蜜湯豈不賢盃甌澤居厭溽暑慨息風露秋
晴雨俱可人亦莫占鳴鳩

顧士曾與宗字光祖以其居箕營谷圖來

求詩

高人心虛萬物宗家世常以仕易農買山本愛
坡上竹手種已偃巖前松瀑泉三伏凜冰雪谷
聲十里酣笙鏞了知自是一丘壑不與金精爲

附庸

地與金精山
青牛峽爲隣

以菜茹飲酒自嘲

山澤有臞儒殘年病滿軀拙疎難救藥貧困不

劔南詩豪

卷之七十一
九

汲古閣

枝梧海客留苔脯山僧餉筍枯

筍枯出
仗錫山

衰顏得

村酒猶解甞時朱

五月二十一日風雨大作

風雨縱橫夜徹明須臾更覺勢如傾出門已絕
近村路對面不聞高語聲銜舳江關多蜀估宿
師淮浦飽吳粳老民願忍須臾死傳檄方聞下

育城

蜀盜已平淮壩
胡賊亦逝去

寄題栝蒼陳伯予主簿平楚亭

琵琶洲上暮山奇五十餘年役夢思與子定交
雖可樂念身垂老亦成悲遠遊倦似風枝鵲愁
思多於繭盡絲安得往尋平楚約一樽相屬醉
題詩

卽事

歸臥已如狐首丘不妨解劔換吳牛掃空身外
閑榮辱閱盡樽前舊輩流學道漫希僧坐夏憂
時常媿士防秋一年曆日開強半歎息人間歲
劔南詩橐

卷之七十一

汲古閣

月邁

梅雨初霽

梅雨忽已過松風來颯然吟多錦囊富影瘦角
巾偏客祝加餐飯兒憂少睡眠衰骸累人久撫
事感餘年

夏日雜題

東吳五月黃梅雨南浦孤舟白髮翁貂挿朝冠
金絡馬多年不入夢魂中

又

午夢初回理舊琴竹爐重炷海南沉茅簷三日
蕭蕭雨又展芭蕉數尺陰

又

新縫細葛作蟲裯篔展風漪凜欲秋啼鳥一聲
呼夢斷依然書卷在牀頭

又

簷前桐影偏宜夏葉底蟬聲漸報秋莫道衰翁

劔南詩豪

卷之七十一
十一

汲古閣

怯風露也能覓醉水邊樓

又

瀟瀟經雨送微馨野鶴凌風有墮翎歸入衡門
天薄暮清溝淺浸兩三星

又

一葉兩葉病木賈一點兩點疎螢流水底星河
秋脉脉髮根風露夜颼颼

晚興

地荒蓬藿與人齊局促何曾厭屋低村市船歸
聞犬吠寺樓鐘暝送鴉栖山童新斫朱藤杖僮
婢能醃白苣齏政欲出門尋酒伴霏霏小雨又
成泥

急雨

蝸廬四壁僅容身赫赫炎曦不貸人正喜風清

三伏暑已看雨壓九衢塵寒泉不減中濡味貢

茗初嘗正焙新安得凌空雙健羽徑隨猿鶴上

劔南詩豪

卷之七十一
十二

汲古閣

嶙峋

聽雨

老態龍鍾疾未平更堪俗事敗幽情紗幮笛簟
差堪樂且聽蕭蕭暮雨聲

窮居戲詠

賦分雖云薄謀生亦自疎但令書有種敢恨食
無餘身病慵行立庭荒廢掃除寒溫雖泛禮猶

辱問何如

句日連得二
三故人書

讀窮居五字慨然有感復作一首自解

布褐營身足茅茨置榻寬食非依漂母菜不仰
園官小蹇鞍韉黑羸僮骨相酸丹青能寫此千
載尚傳觀

蒙恩封渭南縣伯因刻渭南伯印

旋著朝衫拜九天榮光夜半屬星躔渭南且作

詩人伴敢望移封向酒泉

唐詩人趙嘏爲渭南尉時謂之趙渭南

題門壁

劔南詩藁

卷之七十一
十三

汲古閣

四十年來住此村勝衣拜起有曾孫市壚分熟
容賒酒鄰舍情親每饋殮居似窟邊荒馬驛身
如溪谷老桑門幸知歲惡緣陂廢安得農官與

細論

負郭及近縣頗有患水處

雨霽

雨霽禽魚樂風生艸木香老驚時易失閑覺日
偏長閣閣畫何怒翩翩蝶許忙閉門真得計切

勿變軒昂

西村晚歸

小塢花垂盡平隄艸次迷日長鶯語久風定絮
飛低子響聞碁院舟橫傍釣溪歸途不知處依
約埭東西

連日雲興氣濁雨意欲成西南風輒大作

比夜月明如晝

鳩自呼鳴蚓自歌

二者鄉人以為雨候

何時甘澍一滂沱

封姨漫妒陽臺夢却付長空與素娥

劍南詩豪

卷之七十一十四

汲古閣

考古

考古無長晝憂時少熟眠偷生迫鍾漏戰死媿
兜韃莫報乾坤施空驚歲月遷藜羹安用糝吾
事本蕭然

殘春無幾述意

試筆書盈紙烹茶睡解圍新蔬俟冷麵熟練製
單衣雛燕飛初穩殘花見漸稀年衰學不進默

默訟吾非

又
衰疾來無已流年過若馳家貧食易美身老夢
常悲艸長增蛙怒花空失蝶期不堪多難日更
賦送春詩

鏡湖清絕似瀟湘晨起焚香坐艸堂日暖遊絲
垂百尺花殘新蜜釀千房綠桑慘澹開蠶食白
水翻車浸稻秧莫道村翁殺風景也能沽酒當
劔南詩藁

卷之七十一
十五

汲古閣

年光

記悔

我悔不學農力耕泥水中二月始稽事十月畢
農功我悔不學醫早讀黃帝書名方手自緝上
藥如山儲不然去從戎白首捍塞壩最下僚巫
祝爲國祈豐年猶勝業文辭志在斗升祿一朝
陪衆雋所望亦已足豈知賦命薄平地成怨仇
生爲馬伏櫪死爲狐首丘已矣尙所悲但悔始

謀谿賦詩置座傍聊以志吾作

東園晚興

宿葉自脫新葉生東園忽已清陰成老夫東行
復西行烏藤瘦勁青鞵輕竹雞群號似知雨鶉
鳩相喚還疑晴萋萋幽艸上牆綠澆澆細水循
堦鳴蕭然濯手坐盤石心地平安體紆適青山
缺處紅日沉杳杳長空送歸翮

晨起行園中

劔南詩藁

卷之七十一
十六

汲古閣

晨日未出林庭戶有爽氣僮奴課薪水老子自
擁篲稻陂方閔雨艸木亦顛顛群蛙汝何心尙
復作鼓吹

雷雨

雲昏失南山雷過撼北戶天其哀此民界以三
日雨未言高下足十已得四五雨勢殊未已喜
色徧農圃稽手謁龍公願言終有秋民飢不敢

辭懼貽明主憂

戲書燕几

平生萬事付天公
白首山林不厭窮
一枕鳥聲殘夢裏
半窗花影獨吟中
柴荆日晚猶深閉
煙火年來只僅通
水品茶經常在手
前身疑是竟陵翁

又

飽知此手合鋤犁
剗喜東歸老故栖
僧乞新詩題院壁
人扶半醉下樓梯
少通朝籍讒銷骨
晚

劔南詩藁

卷之七十一
十七

汲古閣

畏京塵悔啜臍
尚有遠遊心未死
夢攜猿鶴渡敷溪

喜雨

一雨洗早塵
吾廬氣疎豁
土潤竹萌出
水長漁舟活
桑麻鬱千里
夾道光如潑
憑高望歸雲
更覺原野闊
沉憂寬旅食
分喜到僧鉢
但仰皇天慈
不必尤旱魃

閑適

閉門萬事不相關飽受人間一味閑琴薦潤生
諳雨至衣篝香冷歎春殘早曾寄傲風煙表晚
尚鐘情水石間小市酒旗能喚客試尋隣曲共
開顏

早晴

老病常貪睡蕭蕭厭雨聲翩然兩鳥鵲爲我報
新晴

翦牡丹感懷

劔南詩豪

卷之七十一
十八

汲古閣

雨聲點滴漏聲殘短褐猶如二月寒閉戶自憐
今伏老聯鞍誰記舊追歡欲持藤榼沽春碧自
傷朱欄翦牡丹不爲挂冠方寂寞宦遊強半是

祠官

偶觀舊詩書歎

吾道運無積何至墮畦畛醯雞舞甕天乃復自
拘窘外物豈移人子顧不少忍鶴井與狐妖正
可付一哂繁華夢境鬧零亂空花費可憐憨書

生尚學居易種我筓亦未免吟哦琢肝腎落筆
過白雨聚橐森束筍幸能悟差早念念常自憫
安得從碩儒稽首謝不敏

聞蜀盜已平獻馘廟社喜而有述

北伐西征盡聖謨天聲萬里慰來蘇橫戈已見
吞封豕徒手何難取短狐學士誰陳平蔡雅將
軍方上取燕圖老生自憫歸耕久無地能掄六
尺軀

劔南詩豪

卷之七十一
十九

汲古閣

晚雨

萬里雙芒屨終年一布裘病侵消壯志醉著失
閑愁琴料憑僧問巢居與鶴謀晚來疎雨過探
借北窗秋

雨晴

早曠常思雨沉陰却喜晴放船蓮蕩遠岸幘竹
風清淮浦戎初遁興州盜甫平爲邦要持重恐

復議消兵

起晚自嘲

辛苦一生何所獲老向東阡與南陌頭眩眼暗
牙齒疎能作人間幾時客爾來偷惰更可笑臥
聽場中打新麥老雞失旦也似儂引頸一呼窗
已白

閑中偶詠

斷編殘槁本徒勞橫得虛名亦已叨不識狐書
那是博尚分鶴料敢言高巢山且欲營丹竈跨
劔南詩橐

卷之七十一
三十一

汲古閣

海何當看雪濤與世不諧終自許笑人苦勸學
舖糟

又

舉世紛紛名利間天公偏賦此身閑塵衣濯罷
滄浪水茅舍歸來會計山鄰舍擊盃分麥飯野
人曳杖叩柴關酒逋詩債何時了未死何妨且
旋還

晚步湖塘少休民家

瓜蔓緣籬竹蘆芽刺岸沙橫陂浮雁驚古道暗
桑麻適遇扶犁叟同休織屨家村童亦可念喚
客手吒义

獨酌罷夜坐

不見麴生久惠然相與娛安能論斗石僅可具
盤盂聽雨蒙僧衲挑燈擁地爐勿生孤寂念道
伴有狸奴

急雨雨中出門閑望有作

劔南詩藁

卷之七十一
二十一

汲古閣

急雨初來已瀉簷清香欲散更穿簾年開九秩
尚不死坐對一編殊未饜人笑黠癡俱得半自
憐貧病每相兼說梅古謂能蠲渴戲出街頭望
酒帘

示二子

豈不懷榮畏友朋一生凜凜蹈春水任真雖笑
拘邊幅達節寧容出準繡屬善殘年如白傅更
憐諸子慕崔丞耄期尚有江湖興頑健人言見

未會

時子龍調官東陽
丞子坦調彭澤丞

道室秋夜

江上竊秋日菴中獨夜時丹靈毆豎子神定出
嬰兒梁熟猶餘夢柯摧未畢碁神仙元可學往
矣不須疑

又

道室生虛白仙經寫硬黃晨杯擎石髓夜几照
松肪眼力新生犢心源百鍊鋼何當登日觀萬
劔南詩豪

卷之七十一
二十二

汲古閣

里看扶桑

醉題

雲棲澗飲未爲高起舞行歌亦足豪試問食時
觀本艸何如酒後讀離騷遊山不待飛雙鳥翦
水無因得快刀熟睡市壚君勿笑年來隨事學
餽糟

自詠

忽忽殘年及耄期清晨對鏡不須悲遠行久立

雖差倦未到人扶見客時

又

食飲從來戒失時
衣裘亦復要隨宜
老人最索調停處
正在初寒與半飢

秋晴

身健心閑百慮輕
秋晴未必減春晴
晨窗暖日烘花氣
午枕微風送鳥聲
韞玉硯凹宜墨色
冷金牋滑助詩情
少年風味嗟猶在
虛道歸休學

劔南詩豪

卷之七十一
二十二

汲古閣

力耕

門外獨望

離離遠樹傍煙津
又見清秋一歲新
老眼厭看南北路
流年暗換往來人
鑄金遺像誰能記
執玉來朝適已陳
況我風中斷蓬耳
夕陽空復一傷神

貧歌

壽居福之首
貧爲士之常
造物賦我貧
乃以壽

見償處常而受福每恐不得當掬澗以沃渴屑
栢以爲糧雖云未免飢何至死道傍猶勝遼東
丁化鶴還故鄉

秋晚雜興

汀樹猶青未著霜
墮間稗穗已先黃
放翁皓首歸民籍
爛醉狂歌坐篔簹

又

咎遇高皇起衆材
姓名曾得廁鄒枚
年踰八十

劔南詩藁

卷之七十一
二十四

汲古閣

猶賒死却伴隣翁斲芋魁

又

老病侵凌不可當時時攬鏡自悲傷
西風吹散朝來酒依舊衰顏似葉黃

又

冷落秋風把酒杯
半酣直欲挽春回
今年菘菜嘗新晚
正與鱸魚一併來

又

置酒何由辦咄嗟清言淡媿淡生涯聊將橫浦

紅絲磴自作蒙山紫筍茶

鄉老舊謂碾磨茶為作茶

又

洗耳高人恥見堯看渠應不受弓招精神徇物

那能久刀礪君看日日銷

又

石帆山下醉清秋常伴漁翁弄小舟箬笠照溪

吾自喜貂蟬誰管出兜鍪

劔南詩藁

卷之七十一
二十五

汲古閣

又

煙波萬頃鏡湖秋清嘯雖聞不可求自是世間

知者少山林何代乏巢由

隱者

又

禹巡吾國三千歲陳迹銷沉渺莽中豈獨江山

無定至苔磯知換幾漁翁

禹廟

又

江東誰復識重瞳遺廟欹斜艸棘中若比伊嚶

念如意烏江戰死尚英雄

又

漠漠漁村煙雨中參差蒼檜映丹楓古來画手知多少除却范寬無此工

又

渺渺風煙接小江即錢清江別名牛頭山色滿蓬窗門

前西走錢塘路也有閑人似老龐

霜風

劔南詩豪

卷之七十一
二十六

汲古閣

霜風近海夜颼颼敢效庸人念褐裘關吏雖通西域貢王師猶護北平秋黃旗馳奏有三捷金印酬功多列侯願補顏行身已老區區畎畝亦私憂

贈丐士

志士寧聞畢世窮此間從古混蛇龍尚能忍恥墻間祭安用追慙飯後鐘

贈目眇者

達人所遇有生涯
高臥窮閭自一家
閱世正嫌巖下電
開樽且看霧中花

劔南詩彙

卷之七十一
二十七

汲古閣

馬士

志士深湖世籍此間從古混蛇龍
影影幾不盡淵淵且看霧中花

巖人瀟灑骨姿高
烟鎖閣自一家
閱世正嫌

劔南詩彙目錄

卷第七十二

閒遊所至少畱得長句五首晚雨會翌日

早晴華一雨二十日四首入夏多雨雖止復

作六月甲寅始大晴并序題尊信壘并序夏

日雜詠四首夏日四首苦熱鍾予頃遊青

城數從上官道翁遊暑中忽思其人興龜

堂夢中作二首秋近頗有涼意夜坐

劔南詩彙

卷七十二

汲古閣

中庭涼甚東偏小室去日最遠每為逃

暑之地戲作五字野寺南堂雜興八首

新秋往來湖山間四首北崦小室逃

暑秋雨中作入目昏有感幽居初

秋卽事二首山庖題道傍壁二首訪野

老書適憶蜀生涯四首對食作

曉息戲書梅市舟中作孤店過

魯墟先太傅舊隱步月拄杖示子適

讀道書

秋日睡起

書意

寄題龔

立道峴山樓閒堂

秋雨書感

二首

弄筆

睡覺作

二首

秋思

十首

秋來苦貧戲作

晚晴

對月

二首

出近村晚歸

二首

秋

晚

犬雞

賣藥翁

書里中事

書室

雜興

四首

秋感

秋夜

二首

劔南詩藁

卷七 目

汲古閣



劔南詩藁目錄

卷七 終

劔南詩彙卷第七十二

閑遊所至少留得長句

畫橈艇子短驢鞦野店山郵每小留瓜蔓水生
初抹岸梅黃雨細欲遮樓遠東邂逅從歸鶴海
上逢迎得狎鷗豈是人間偏好異算年難復作
沉浮

又

垣屋參差桑竹繁意行漫漫不知村眼明可數

劔南詩彙

卷之七十二

汲古閣

遠山疊足健直窮流水源鷺引釣船經荻浦牛
隨牧笛入柴門試尋高處休行李清絕應須入
夢魂

又

太平人物自諧嬉及我青鞵布襪時丁壯趨晴
收早粟比隣結伴絡新絲圓鰲坎坎迎神社大
字翩翩賣酒旗晤語豈無黃叔度欲尋幽徑過

牛醫

又

已過樵塢到漁村逢著人家卽叩門僧釜藜羹
加糝美市壚黍酒帶醅渾顏齡更媿才能薄故
里方知輩行尊身迫九原兒亦老一經猶欲教
諸孫

又

高僧宴坐雪蒙頭閑牧從來水牯牛溪院陰陰
西簷雨高堂寂寂一簾秋光明本自無餘欠夢

劍南詩彙

卷之七十二

汲古閣

幻何曾有去留我亦翛然五湖客不妨相與試
茶甌

晚雨

春旱久閔雨夏潦復望晴米盡薪亦絕漲水與
堦平山信得新粟欣然聽春聲書生易滿足筆
硯還施行南風柱礎乾西照窗戶明雨其遂已
乎努力趣秋成

翌日早晴

澤居傍海壖暑雨困積潦四顧路俱絕所至泥
浩浩坐臥敗屋中兀若在孤島得米無束薪端
憂令人老今朝復何朝浮雲散如掃一蟬鳴高
槐兩蝶點平艸欣然受涼颺便欲事幽討呼童
羈我駒東走天台道

一雨二十日

一雨二十日雨意殊未闌我廬大澤中四顧煙
水寬東家有小舟偕我不作難鷓鴣與鷓鴣自

劔南詩藁

卷之七十二

及古閣

是平生歡更作十日期水淺生小灘相與極幽
賞勿待江月殘

入夏多雨雖止復作六月甲寅始大晴

兼旬大雨無晝夜積潦深虞敗吾稼豈惟一飽
墮渺茫直恐下溼侵腰胯南風忽從木末來新
月徘徊出雲罅州家出符縣家喜泄水漸空梁
可架放翁亦復扶病起旋築頽牆補茆舍便合
觀身作老禪安心穩坐今年夏

大士題尊信齋

吾友陳希真求序名其書齋予告之曰

聞聞然韓文公言讀孟軻書然後知孔子之道

贈豆於尊晚得楊雄書益尊信孟氏因雄書而

善學吾孟氏益尊予謂孔子豈待人而尊孟子

慈其節亦豈待人而信韓之言則過矣然尊信

皆懋墨孔孟者實學者之本務也請以名君齋

且為詩以終吾意

劔南詩藁

卷之七十二

汲古閣

於虛孔孟何其卓如天日月地海嶽正令舉世

皆揚墨邪正豈復勞商摧雖然此道久橫流執

執其誰不思濯魯鄒遺書世皆讀要以尊信為

善學吾友希真蓋其人不肯俛首為齷齪羹藜

飯豆欲老矣功雖未竟志則慤我居山陰子在

閩闕然不見千里邈澤中久雨道路絕叩戶忽

聞聲剥啄尊信二字子所知妙質豈復須斤斲

伏生九十語已訛失且自慚猶啜啜

夏日雜詠

閑居自無客況復暑如焚百折赴溪水數峰當
戶雲幽尋窟鹿徑靜釣雜鷗群舊愛南華語今
方踐所聞

又

兀兀從誰語暄暄寄一牀不嗟頭似葆但苦汗
如漿欹枕風生竹鈎簾日轉廊非由靜勝熱本
體自清涼

劔南詩藁

卷之七十二

五

汲古閣

又

蒲葦蕭蕭晚楸梧蕭蕭陰山童驚大鼫林鳥伴
微吟蠻硯淡瀦墨吳牋熟擣漉新詩與醉帖自
笑尚童心

又

省事心君靜忘情眼界平食便飡酪美浴試葛
衣輕鶴整千年駕鷗尋萬里盟秋風卽在眼作

意上青城

夏日

颼颼風露髮根涼
月落菱歌盡意長
分得鏡湖纔一曲
喫虧堪笑賀知章

又

新闢虛堂痛掃除
蕭然終日屏僮奴
此間恐是維摩室
除却藜牀一物無

又

平明一浴汗無餘
坐覺胸中合太虛
春玉作糜

劔南詩藁

卷之七十二
六

汲古閣

天所賜不妨數筋進山蔬

又

艸芝方出峩眉老
力比金丹似更多
秦不及期

周過曆始知養壽在中和

伏中方製艸芝丹此方出史載之學士家

苦熱

炎歊行中天曼膚
汗翻水纖絺薄如霧
不異鎧被體散髮垂兩肩
萬事棄不理寸陰若度歲
日算何可俟頗聞交廣間
暑又烈於此此如不可

耐彼豈皆暵死聊當扶短策北澗弄清泚豈必
拜賜水恩光動閭里

善當予頃遊青城數從上官道翁遊暑中忽思

雲和其人

往年屢遊丈人祠上官八十如嬰兒自言少年
聾不治芝房松鬣可無飢叩之不畜但解頤德
人之容端可師我聞學道當精思畢世不可須
吏離公雖泯默意可知亡羊要是緣多岐逝從

劔南詩豪

卷之七十二
七

汲古閣

公遊亦未遲聯杖跨海尋安期

龜堂

障日松棚正策功幅巾聊得受微風蟬聲不斷
艸堂靜潦水已歸村路通拄杖閑行穿犖犢孤
雲時見起龍從東陽醇耐無由到知負今年幾

碧筩

郭希居呂子孟兩友
歲餽酒今以故不至

夢中作

試說山翁事諸君且勿譁百年看似夢萬里不

思家夜艾猶添酒春殘更覓花却喚勾漏令辛
苦學丹砂

平羌江上月伴我故山來幽興依然在浮雲正
爾開清秋纔幾日黃葉已成堆未醉江樓酒扁
舟可得回

秋近頗有涼意

平旦麪數箸晡時飯一杯枝梧長日過悵望早

劔南詩彙

卷之七十一
八

汲古閣

秋來團扇尋詩寫緇巾俗樣裁惟應水邊坐待
得市船回

夜坐中庭涼甚

銀漢迢迢夜氣澄都忘朝暮困蚊蠅月從東浦
行空闊風自南來洗鬱蒸渴解似嘗仙掌露魂
清如近玉壺水誰知此際超然處不減廬山入
定僧

東偏小室去日最遠每爲逃暑之地戲作

五字

肅肅簷陰轉泠泠筓水鳴高牖日氣遠方簞午
風清渴愛殮漿美慵便葛屨輕新秋忽在眼結
束問山程

野寺

僧壁題名半闕訛重來歎息屢摩挲林蟬欲斷
算復急竹露如傾秋更多半俸漸償賒酒券故
衫已換釣魚蓑西窗一看枯棊罷歸去還憂爛
劔南詩藁

卷之七十二
九

汲古閣

斧柯

南堂雜興

車馬無聲晝漏長野人與世已相忘屏除長物
軒楹爽洗濯塵襟肺腑涼秋近平郊鳴鶴鶴日
斜荒徑下牛羊興來欲喚筇枝去更盡銅爐一
炷香

又

新涼一夜入郊墟晨起衣巾爽有餘燕欲委巢

雛盡去

燕有三生雛者及秋雛方去盡

扇猶在手意先疎題詩

又滿牛腰束采藥常攜鷓鴣觜鋤湖上從今風月好不妨隨處命籃輿

又

蛩聲每續蟬聲起桐葉仍兼柳葉凋
懶惰心情疎筆硯久長生計屬漁樵
鬚茅旋補東廂屋伐石新成北港橋
物外高人來往熟等閑折簡也能招

劔南詩藁

卷之七十二
十

汲古閣

又

耄齒東歸息故廬聊持頑健託鄉閭
未忘麈尾清談興常讀蠅頭細字書
貧甚尙能耕有犢步輕那歎出無驢
南堂又見秋風起臥看溪雲自捲舒

又

奔走當年一念差歸休別覺是生涯
茆簷喚客家常飯竹院隨僧自在茶

紹興初曾喚客茶各
隨意多少謂之自在

茶今遂成俗

禪欠遍參寧得髓詩綠獨學不名家如

今百事無能解只擬清秋上釣槎

又

十里城南禾黍村白頭心事與誰論
惰偷已墜先人訓迂拙仍辜聖主恩
病退時時親蠹簡興來往往出柴門
斜陽倚杖君知否收點雞豚及未昏

村老人不能耕者以收雞豚爲事村隣皆然

又

劍南詩彙

卷之七十二十一

汲古閣

年過八十更應稀又向清秋聽擣衣
一片雨來書幔黑數聲鐘斷釣船歸
酒壚好事能焚券蠶甕無情未解圍
剗欲出門尋一笑故人零落歎疇依

又

北連大澤驚秋早東限連林覺曉遲
數筋藥苗留客話一爐松火約僧棋
人間掃跡雖堪笑物外論心頗自奇
有恨未償猶絕歎青城交舊待

多時

新秋往來湖山間

車似雞栖舟似葉百里何曾勞步屨朝遊樵風
弄清泚暮泊石帆登岌業旅飯雖春纔脫粟僧
羹無菜寧用挾歸來村落未上燈除却御風無
此捷

又

會稽山下樵風溪翠屏倒影青玻璃尤奇峭壁

劔南詩藁

卷之七十二
十一

汲古閣

立千仞行子欲上無階梯商山坐看紫芝老武
陵無奈桃花迷人間得意妄自喜一鬪憐汝真
醢雞

羹無又

禹祠巍巍閱千代廣殿修廊半傾壞屹然遺空
每摩挲石長苔侵字猶在去年已媿曳杖來今
者更用兒扶拜聊持一酌薦丹衷衰疾龍鍾神

所貸

又

健席高檣梅市路朱橋綠樹蘭亭步兒時釣遊
略可記不料耄年猶此處漁歌相和葦間起菱
船遠入煙中去世間萬事等浮雲耐久誰如兩
芒屨

北崦

毒熱憚輕出新涼尋舊盟西郊猶近市北崦漸
謀耕松菊有佳色山林無俗情行行望續火一

劔南詩豪

卷之七十二
十三

汲古閣

點隔林叻

小室逃暑

千頃菰蒲萬里風漁翁散髮臥孤蓬何如此室
纔尋丈常在冰壺雪窖中

秋雨作

燈前劇論與誰同中歲朋儕亦已空行道敢希
千載上會心聊付一編中雨侵壞甃新苔綠秋
入橫林數葉紅莫怪又生湖海興此身元自是

孤蓬

目昏有感

兩眚眊昏八十餘爾來觸事覺空疎何由四目
如蒼頡讀盡當年倚相書

幽居

一曲清溪帶淺山幽居終日臥林間丹經在笥
曾親授死籍從今或可刪人笑拙疎安淡泊天
教強健享清閑秋來漸有佳風月擬與飛仙日
劔南詩藁

卷之七十三
十四

汲古閣

往還

初秋卽事

簾櫳雨過不勝清秋氣依依似有情高棟尙餘
雙燕宿短莎先放百蟲鳴挑燈剗欲開書秩擘
蟹時須近酒釀却媿隣家常作苦探租黃犢待
寒耕

又

老來閱世苦怱怱又見流年入鬢蓬山徑溼螢

黏露艸并牀病葉霞
秋風隣翁每共藜羹
味穉子能終汗簡功
造物於人元不薄未
須抵掌歎囊空

山庖

新春穉穉滑如珠旋
壓犁祁軟勝酥更翦
藥苗挑野菜山家不
必遠庖厨

題道傍壁

晚境那禁歲月催幽
花又見澗邊開莫辭
贖買

劔南詩彙

卷之七十二
十五

汲古閣

旗亭酒恐有騎驢李白來

又

湖廢財存十二三拍隄漲水尙如藍
吾廬隱翳初非意頗欲臨流結艸菴

訪野老

農事元知要細評野人有舊得尋
盟林深未見果蔬地舍近先聞雞
犬聲春水築塘謀竭作陽坡臥犢
約同耕老來常歎人情薄溪媿今
朝倒

屣迎

書適

架竹苫茅屋數椽推開窗戶卽江天微飢未遽
愁長日小疾何妨度厄年孤鶴入秋偏警露斷
山欲雨自生煙囊中妙法君知否買斷清閑不
用錢

憶蜀

憶昔西遊日岷峨勝事繁題詩古栢廟載酒海

劔南詩豪

卷之七十三
十六

汲古閣

棠園世故紛難料年光浩莫論所欣身尚健短
褐醉江村

生涯

生涯數畦菜心事一溪雲樵擔斜陽下漁歌靜
夜聞門無俗駕到厨有遠泉分但了麴蘖事功
名烏足云

又

身世茫如夢門庭冷似水逢迎賣藥叟辭謝乞

錢僧羸疾時時劇衰顏日日增人扶亦可出要
是藉烏藤

又

舊業桑麻在頽齡耄耄過虞卿著書晚伏叟授
經訛井上磨樵斫村東買釣蓑傾身營一飽自
笑又蹉跎

又

殘年端有幾寂寞寄滄洲身宿千林算蟲鳴四
劔南詩豪

卷之七十二
十七

汲古閣

壁秋風廊動礎杵月墉把鉏耰衣食隨宜具何
心復浪求

對食作

潦餘多稼猶中熟種晚嘉蔬亦半收黃耳輩生
殊自喜白頭韭長復何求比量傍舍慙溫飽誦
詠農書傲墮偷偶有一樽難獨啜過門誰肯小
遲留

曉思

昏昏斷夢帶餘醒，散髮披衣坐待明。
城角吹殘河漸隱，海氛消盡日初生。
老農自得當年樂，癡子方爭後世名。
莫怪閉門常嬾出，卽今車蓋爲誰傾。

戲書

柳下人家枳作籬，小姑不畫入時眉。
緯車聲出窗扉裏，正是新涼夜永時。

梅市舟中作

劍南詩豪

卷之七十二
十八

汲古閣

漕渠北向小橋通，漸入蒼茫大澤中。
造物將無知我醉，故吹急雨打船篷。

孤店

與兒孫送五郎爲淮西之行
小飲民家是日雲興頗憂雨

孤店門前千萬峰，酒濃不抵別愁濃。
明朝晴雨吾能卜，但聽蘭亭古寺鐘。

過魯墟先太傅舊隱

桑竹蕭條帶夕陽，故居依約古河傍。
顏垣壞甃無尋處，父老猶言學士莊。

步月

鷗鷺論交有舊盟越山勝處著柴荆只思小閣
焚香臥偶作長堤蹋月行湖濶煙鐘來縹緲林
疎漁火見分明店家已賣新篘酒一醉今宵似
可成

拄杖示子適

拄杖相從四十年交情耐久獨依然西窮巫峽
岷江路北抵岐山渭水邊早已歸休弄泉石老

劔南詩藁

卷之七十二
十九

汲古閣

猶緩步歷風煙會同鉢袋并禪版付與兒孫世
世傳

讀道書

一境有神龍歲不畏枯旱爲國常得賢百世不
可亂吾讀黃老書掩卷每三歎正使未長生去
死亦差緩如何不自力白首猶漫漶友朋死略
盡日月難把翫豈無獨往願兒孫苦羈絆安得
葛與陶相從明此段

秋日睡起

白露已過天益涼
練衣初覆篝爐香
天其閔我老且憊
付以美睡聲撼牆
離騷古文傍
倦枕砥柱巨刻懸
高堂睡餘一讀搔
短髮萬壑松風秋興長

書意

屋漏徙我牀
窗破補其罅
衣穿傲狐貉
食淡忘膾炙
人生老可哀
百事就衰謝
我喜在得歸
味

劔南詩藁

卷之七十二
二十一

汲古閣

美如啖蔗雖云茅茨陋
豈不賢傳舍兒能牧雞
豚身自種桑柘市鹽酒
易賒鄰廐驢可僭睡任
門生嘲醉無官長罵見
書眼先閉恠懶亦自赦
却後五百年林間作佳話

寄題龔立道崑山樓閣堂

我居山陰古大澤
出門尚恨風煙迮
欲求曠快舒眼力
夢中去作樓閣客
樓閣主人計不疎
萬卷讀盡家藏書
平時不喜入城府
況肯自屈承

明廬聽雞束帶誰不爾明時可仕君獨止不妨
俗地作園林買山豈是巢由事

園廬皆俗地營之

少學秋雨書感

新春赤米摘青蔬一飽從來不願餘門外久無
溫卷客架中寧有熟官書濁醪未廢時時歡短
髮猶須日日梳自笑少年風味在滿川煙雨正
愁予

又

劔南詩藁

卷之七十二
二十一

汲古閣

晨起開門雪滿簷東崗一徑得幽尋斷雲殘雨
歲華晚丹實碧花秋意淡林下已悲身老病人
間猶與俗浮沉牀頭小甕今朝熟又喚隣翁共
淺斟

弄筆

少學文章竟不成算年腕弱字欹傾抽毫欲下
還休去棐几空憐似砥平

睡覺作

世言黃帝華胥境千古秦荒孰再遊但解消搖
化蝴蝶不須富貴慕蚍蜉

又

邯鄲夢事豈關身未熟黃梁迹已陳輸與烏衣
老鈴下日中睡覺一顰伸

秋思

露濃壓架葡萄熟日嫩登場穉稭香商略人生
如意事及身強健得還鄉

劍南詩豪

卷之七十二
二十二

汲古閣

又

三三兩兩戲魚行香餌纔投去若驚寄與扁舟
五湖客只當遠引過平生

又

一篇舊艸天台賦六幅新傳太華圖占盡人間

清絕事紫藤香起竹根爐

藤香近
出廬山

又

村南村北鷓鴣鳴小雨霏霏又作晴拂枕欹眠

不成夢却拖藤杖出門行

又

出門東行復西行處處人家打稻聲
小甕秫醅雖未熟後園楮蕈已堪烹

又

看雲廬阜屏風疊采藥嵩山冠子峰
行盡四方心未快不如一櫂醉吳松

又

劍南詩藁

卷之七十二
三十二

汲古閣

桑竹成陰不見門牛羊分路各歸村
前山雨過雲無迹別浦潮回岸有痕

又

隣砧落日數聲殘汀樹秋風幾葉丹
冉冉清愁來不斷無方能使酒腸寬

又

老子齋居罷擊鮮木盃竹筯每隨緣
隣僧不用分香鉢蓮芡猶堪過半年

又

存神止慮自長年黃老遺書漢尚傳妙語雖傳

人不省却從丹竈覓神仙

漢武帝賜平津侯詔曰君其存精神正念

慮輔助醫藥以自持 郝侯與楊王孫書曰願存精神省思慮進近醫藥厚自持其語悉同疑出

於黃老遺書

至漢尚傳也

秋來苦貧戲作

閉門高臥養吾真說著生涯笑倒人奴閔囊空

辭雇直婢愁爨冷拾炊薪羹能有糝猶為奉地

劍南詩藁

卷之七十三
二十四

汲古閣

到無錐始是貧一飯不妨支一日讀書常媿聒

比隣

晚晴

雨餘殘日入疎籬變化相槩乃爾奇千嶂暮雲

收盡後一年秋暑洗空時如山酒券不相貸隔

巷衣砧如許悲刺欲出門紆滯息交親零落與

誰期

對月

遠客厭征路流年逢素秋不知今夜月還照幾人愁

又

艸艸治杯盤三更月露寒茆簷雖隱翳終勝客中看

出近村晚歸

松枝代如意練布製單衣出每沾晨露歸當送夕暉野花當路發沙鳥背人飛到舍燈初上茅

劔南詩藁

卷之七十五

汲古閣

簷聞踏機

又

苦雨秋將晚羈愁酒易醺百年終腐骨萬事盡浮雲果熟多猿嘯林疎過鹿群亦息書觸目老嬾不成文

秋晚

雞聲喔喔頻催曉木葉颼颼已變秋憂患縱多終強項飢寒未至且優游老羸尚欲身當道乳

虎何疑氣食牛

時黑孫方
生牛年

但有一愁消未得大

兒白髮戍邊頭

犬雞

小犬一何警日夜吠籬落老雞則不然平旦方
喔喔勤惰各其性於我何厚薄糠粃一施之且
復慰寂寞

賣藥翁

老翁如我老賣藥以代耕得錢付酒家一毫不

劔南詩彙

卷之七十二
二十六

汲古閣

自營浩歌和隣叟苦語誨後生我欲爲作傳無
人知姓名

書里中事

事近接耳目誕信良易知頗疑有定數一惑不
可移坐視非所安忠告反取疑雖抱愚直意妄
發悔曷追

書室雜興

秋水淺出灘秋葉落成陣方喜風露清已歎霜

霰近衰疾雖向平不死亦董董燈青地爐冷吾
學其少進

又

衣多藏之笥食餘積之困我享既有有限富亦豈
勝貧布褐本自溫籓蔽固已珍君看梁伯鸞寄
食終其身

又

老眼觀細書紛然黑花墜不如袖手坐嘿誦舊
劔南詩豪

卷之七十二
二十七

汲古閣

所記但恨志弗強編簡頗失次後身作書生努
力究此事

又

學書五十年其進不及寸未能踐繩墨況敢說
豪健雖然亦有用尚足博麤飯開學教牛經坐
市寫驢券

秋感

瘦盡腰圍白盡頭悲蛩聲裏落梧秋短檠且慰

經年別豎褐猶懷卒歲憂天地無私嗟獨困風
霜有信又殘秋頑軀安得常強健更倚東吳寺
寺樓

秋夜

秋色滿江干江楓已半丹身閑詩簡淡道勝夢
輕安偃蹇憐腰折清癯鄙面團何妨杵衣夜又
見歲將殘

又

劔南詩豪

卷之七十三
二十八

汲古閣

落葉鳴遙夜啼螿送暮秋不知何許笛故作此
時愁青海三年戍黃旗萬里侯何如石帆下煙
雨釣滄洲

劔南詩彙目錄

卷第七十三

秋日村舍

首二

村遊

吳歌

秋感

首二

紹興辛未至丙子六年間予年方壯每遇

重九多與一時名士登高於叢山宇泰閣

距開禧丁卯六十年憂患契濶何所不有

追數同遊諸公乃無一人在者而予猶強

健慘愴不能已賦詩識之 結茅 老健

劔南詩彙

卷七十三目

汲古閣

幽居卽事

首二

秋晚書感

小市算歸

寓歎

首三

題僧菴

哭季長

首二

魔境

作頗思遠適賦此自遣 枕上 讀函詩

北窗 小圃醉中作 秋冬之交雜賦

首六 海山 飲村酒 觀諸將除書 捫

腹 醉歌 自歎 村翁 不寐 書志

東偏紙閣初成 小豎醉 雜興

首四

示兒孫輩 雜賦 首六 幽居 連日作陰

頗有雨雪意 山房 梅市莫歸 法雲

寺 郊居 作雪不成獨詠 聞雁 泛

舟至蜻蜓浦小泊漁村 散策門外隣叟

怪其瘦 書警二首 園中 冬晴行園中

二首 懷青城舊遊 晚立 志喜 寤居

冬暖園中萱艸蓊然海棠亦著花可愛

作路浚井皆近事也 卽事示兒輩 小

雨頗寒 題舍壁二首 仲冬書事 醉舞

劔南詩彙

卷七十三目

汲古閣

思蜀二首 次韻李季章參政哭其夫人

七首 試筆 屠希筆 寒夜吟 記夢

霜夜二首 歲暮 與野人散策門外 十

一月十一日夜聞雨聲 自述二首 歲暮

老懷 書况

我至誠地前不敵魚林翁 策馬門外

杏東波 豈關我事不知斷續 聞風

劔南詩彙目錄

卷七十

三終

劔南詩彙卷第七十三

秋日村舍

會稽城南古大澤
霜晴水落煙波迤
寒風蕭蕭凋柳暖
日暉暉秀麴麥傳聞
新詔募新軍復道
公車納群策忠誠所
感金石開勉建功名
垂竹帛

又

川雲慘慘欲成雨
宿麥蒼蒼初覆土
芋肥一本劔南詩彙

卷之七十三

汲古閣

可專車蟹壯兩螯能敵虎
村村婚嫁花簇檐廟廟
廟禱祠神降語兒孫力稼
僕賦租千年萬年報
明主

道公村遊

閉戶苦無繆行行不覺遙
人稀廢古井水退築
新橋野店聽山雨
僧厨餽藥苗湖中有高士
折簡恐難招

吳歌

勝負兩蝸角榮枯一蟻窠人情苦翻覆吾意久
蹉跎困睫憑茶醒衰顏賴酒酩坐人能聽否試
爲若吳歌

秋感

扶杖龍鍾迫耄期江湖木落更堪悲醉中光景
似得志夢裏朋儕如少時落筆龍蛇仲蒙帖

丙國

器一字仲蒙

滿懷風月季長詩前朝名勝凋零盡百

歲關心只自知

劔南詩豪

卷之七十三

汲古閣

又

聖世優容許乞身歸來猶幸齒齊民漁家那有
懸車地蔬食何施祝鯁人獠婢臨溪漂衣絮蠻
童掃葉續炊薪生涯如此仍秋莫賴是從來慣
處貧

紹興辛未至丙子六年間予年方壯每遇

重九多與一時名士登高於戴山宇泰閣

距開禧丁卯六十年憂患契濶何所不有

追數同遊諸公乃無一人在者而予猶強
健慘愴不能已賦詩識之

故里登高接雋遊卽今不計幾番秋一樽尙與
菊花醉萬事不禁江水流薄命雖多死閭巷逢
時亦有至公侯若論耄歲朱顏在寤達皆當輸
一籌

結茅

結茆湖曲兩三間客少柴荆盡日關插架圖書

劔南詩橐

汲古閣

娛晚莫滿灘鷗鷺伴清閑壁龕吳晉千年字

地斷

得吳永安晉
太康中古軼

窗納秦檜萬疊山自怪堅頑推不

倒時來臨水照蒼顏

老健

年垂九十身猶健竹屋荆扉不厭低挈榼自沽
溪巷酒擁衾遙聽別村雞家添豚柵還堪賦路
認牛欄每不迷惟恨寤秋開霽少晚來小雨又

成泥

幽居卽事

壯歲本亡奇，頽齡又及斯。
極知身有幾，惟是醉相宜。
燒艸溫新犢，編籬護伏雌。
謀生未忘念笑語，路傍兒。

又

晚日照茅茨，西風吹接羅。
貧息止酒易，老悔養丹遲。
斲地秋畦藥，焚香夜撰書。
呼兒具舟楫，吾欲上湘漓。

劔南詩豪

卷之七十三
四

汲古閣

秋晚書感

犧象初心豈願才，溝中雖斷不須哀。
吾生自信雲舒卷，客態誰論燕去來。
夕露正看沾艸棘，晨霜已見落楸槐。
耄年閉戶真無憾，葑火更闌熟芋魁。

小市算歸

愛酒行行訪市酤，醉中亦有穉孫扶。
林梢殘葉吹都盡，煙際孤舟遠欲無。
野餉每思羹苜蓿，旅

炊猶得飯雕胡青山在眼何時到堪歎年來病
滿軀

寓歎

日夕羊牛下月明烏鵲飛
林林皆有託買買獨
安歸疾痼方求藥秋高未製衣
岷峨不遂隱更恨咎謀非

又

交世非初志謀生又絕疎
家貧息辟穀人忌悔
劍南詩藁

卷之七十三
五

汲古閣

知書門異回軒巷
粲無禿尾驢老頑君勿怪萬
事有藥除

又

短髮不禁搔
紆悲賴濁醪
潦收溪瀨急
木落寺樓高
善飯餘何欠
看雲亦足豪
今朝有奇事
江浦得霜螯

題僧菴

細路穿雲塢危橋渡野塘
人稀土花碧屋老瓦

松長憂患雙蓬鬢裝資一布囊燒薪藉餘暖今夜有新霜

哭季長

岷山剡曲各天涯死籍前時偶脫遺三徑就荒俱已老一樽相屬永無期寢門哀慟今何及泉壤從遊後不疑邂逅子孫能記此交情應似兩翁時

又

劔南詩豪

卷之七十三
六

汲古閣

我荷鋤時君賜環君歸我復造清班無由促席暫握手每得寄聲聊解顏造物不令成老伴著書猶喜在名山

季長晚著
書數百卷

半年僅得陳尊卿白

首臨風涕自潛

魔境作頗思遠適賦此自遣

夜夜燃燈旦旦香修行老尙墮微茫齋居自許塵心盡遇事方知業力強兩屨生雲入瀟皖孤舟載月上瀟湘道人行李君毋笑惟是瞿筒與

藥囊

枕上

窗紙蕭蕭印月痕
數聲新雁過江村
孤愁不與夢俱斷
羸老豈知身尚存
世事萬端歸蠹簡
秋風百感集清樽
荷鋤家圃知何憾
猶勝生求入玉門

讀函詩

我讀函風七月篇
聖賢事事在陳編
豈惟王業

劔南詩豪

卷之七十三
七

汲古閣

方輿曰要是淳風未散前
屈宋遺音今尚絕咸韶
古奏更誰傳吾曹所學非章句
白髮青燈一泫然

北窗

半世蟬嘶坐北窗
老年依舊守殘缸
買書安得黃金百
覓句如求白璧雙
老氣尙息吞夢澤
壯遊曾是釣巴江
寒生事業秋毫盡
筆力終慙鼎

可扛

小圃醉中作

搖落園林探僂春，耄期詩酒肯輸人。
狂時湖海猶嫌迮，達處羲農亦未淳。
木葉蔽身如盛服，藜羹加糝卽常珍。
巢由尙隱唐虞代，漫道桃源是避秦。

秋冬之交雜賦

蓬戶終年閉，靈臺一事無。
貧猶能自活，衰未藉人扶。
兒學無歡異，孫啼有啓呱。
東隣麴道士，折簡也能呼。

劔南詩豪

卷之七十三
八

汲古閣

又

霽日收殘靄，微霜作早寒。
桐凋無宿葉，水退出新灘。
室小纔容膝，門低每觸冠。
平生只此是，何物動憂端。

又

避俗嫌林淺，安貧覺屋寬。
地爐燒葑火，土榻藉蒲團。
稚子誇藜糝，高僧輟芋殘。
霜寒固難出，不

怕笑蹒跚

又

嶺下晨炊黍津頭算繫船寒潮吞別浦老木慘
蒼煙市徙新山步耕侵古廟墮閑人不蓄幘散
髮醉江天

又

霧雨林塘晚風霜聚落寒衣冠存簡朴農圃備
艱難春籩麪供餌蒸炊豆作團此心如古井無
劔南詩藁

卷之七十三
九

汲古閣

地起濤瀾

又

碓舍臨寒水漁舟弄夕霏烏將九子過雉挾兩
雌飛浮世萍無蒂流年弩發機常思南鄭日縣

驛跨驪歸

漢中西縣村落下臨
讓水景物頗似吾鄉

海山

補落迦山訪舊遊菴摩勒果隘中州秋濤無際

明人眼更作津亭半日留

飲村酒

湘浦騷人詠，啜漓黃州飲。溼又增奇紛紛，坐客評清濁我已昏。然睡不知。

觀諸將除書

百鍊剛非繞指柔，貂蟬要是出兜鍪。得官若使皆齊虜，對泣何疑効楚囚。

捫腹

身如椰子腹瓠壺，三畝荒園常荷鋤。著萬卷書

劔南詩藁

卷之七十三
十

汲古閣

雖不足容數百人，還有餘

醉歌

却日莫揮戈，君當聽我歌。花殘狂有限，酒熟悶無多。生理憑長鑱，幽情寄短蓑。江湖秋萬里，未死且婆娑。

自歎

惡殺常根食，安貧但緼袍。消搖敢言達，簡默本非高。入剡逢飛雪，遊吳看怒濤。平生笑漁父，苦

語勸舖糟

村翁

不入城門三歲餘亦無車馬過吾廬
食常羹芋已忘肉年迫蓋棺猶愛書
處處叩門尋醉叟時時臨水看遊魚
半生名宦終何得作箇村翁計未疎

不寐

一竿江渚寄沉寔衰疾侵凌失鬢青
困睫日中

劍南詩彙

卷之七十三
十一

汲古閣

常欲閉夜闌枕上却惺惺

書志

平生不喜作鵬搏常伴寒蠶語夜闌
一椀淖糜支日過數椽破屋著身寬
衰殘雖已歎垂白憂患未容侵渥丹
後五百年吾話在笑君虛坐幾蒲團

東偏紙閣初成

此蟬占雨解移穴蟋蟀畏寒先近牀
我亦聯屏

爲燠室一冬省火又宜香

小豎醉

漫道樽中酒不空
歌呼誰解和衰翁
可憐小豎如孫瓚
却有平陽吏舍風

雜興

寸陰可惜子所知
尺宅治生今未遲
虛費年光作閑事
人間信有白頭癡

又

劍南詩藁

卷之七十三
十二

汲古閣

堯舜桀紂皆腐骨
王侯螻螻同丘墟
麥苗覆塊鳩喚雨
常恨無人同荷鋤

又

一春妍暖無多日
八十康強有幾年
學不名家空自苦
路邊醉倒却關身

又

詩人肝肺困雕鐫
往往壽非金石堅
我獨適情無傑句
化工不忌遣長年

示兒孫輩

咎忝諸生後初非一世豪但希鄉有秩敢望郡
功曹歛版寧爲辱扶犁亦足高兒孫勿妄想底
處不徒勞

雜賦

養疾清溪曲風林幾著霜細書如助懶薄酒不
成狂老歎朋儕盡閑知歲月長柴門偶一出倚
杖立斜陽

劔南詩臺

卷之七十三
十二

汲古閣

又

孤學違流俗危機歷畏途逢人增懍愴看鏡失
膚腴閉戶書圍坐移燈影向隅空懷四方志泯
默死東吳

又

家業貧原憲年齡老伏生但悲鸞獨舞那羨雁
能鳴釀酒秋常醉驅牛夜亦耕此身當自貴勿
用作投瓊

又
賢固不如賤狂應未勝癡閉門真已矣命駕欲
何之碧縷生香袖清漪漲硯池是中有佳處不
覺晝陰移

又
海上魚鹽聚煙中雞犬聲耕農叱牛去醉叟策
驢行歛薄民差樂烽消盜略平悠然憩松下我
亦有幽情

劔南詩藁

卷之七十三
十四

汲古閣

又
櫛髮晨興後寬腰午餉餘講明窮理學讐校養
生書倚杖聽啼鳥臨池看戲魚怡然又終日底
事解愁予

幽居

人間歲月苦駸駸白首幽居不厭深
懶愛舉杯成美睡靜嫌對奕動機心
山村野渡雙芒屨夜雪晨霜一布衾
不到匡廬三十載夢攜巾鉢上

東林

連日作陰頗有雨雪意

十分曆日過八九徂歲迫人殊可驚霜木蕭蕭
臨古道雪雲慘慘冒高城山頭噤雀無生意水
面飢鳶有墮聲剝壓新醅供旨蓄從今次第問
春耕

山房

四紀移家剡曲傍自茨生艸作山房寒侵夜艾
劔南詩豪

卷之七十三
十五

汲古閣

知霜重行遍天涯覺夢長戒婢無勞事釵澤課
奴相率補陂塘無衣已免函人歎數箔春蠶歲
有常

梅市算歸

老境惟閉門不與事物接時逢佳山水尙復快
登涉山程策小蹇水泛搖短楫今茲稅駕地佳
事喜糶壘雲生溼行滕風細掠醉頰旅羹芼玉
糝僧飯敷白氎葑火煨芋魁瓦甑炊豆莢經行

出幽圃懷抱頗自愜
枯籬絡丹實
澗堆黃葉
白雲橫谷口
綠篠穿山脇
還家寧迫算
取路羞
徑捷何當倚蒲龕
一坐十小劫

法雲寺

法雲古蘭若西走

奏

錢塘路帆影
梅市橋人語

柯山聚吾家
簪爲隣來往
無晨暮十世三百年
散徙非復故
修廊與廣殿亦已化
煙霧經營久
不倦大體始
略具鐘魚以時鳴
軒檻有幽趣
中
劔南詩彙
卷之七十三
十六
庭掃蕪穢斷
碣起顛仆
老我絕世緣
隨身惟兩
屨願言治北窗
寂寞同子住

郊居

郊居本宴如
觸事自多感
況當搖落時
雲重天
慘慘路窮非
通途地偏無
遠覽殘蕪連
古道槁
葉滿幽坎
老來厭了了
萬事付黠闇
地爐熾生
柴喚客烹薺糝

作雪不成獨詠

淡日朝穿霧濃雲夜護霜風聲空浩蕩雪意愈
微茫棊几閑臨帖銅爐靜炷香悠然踐殘歲不
是傲羲皇

聞雁

蜻蜓浦中聞雁聲寒侵短褐客愁生忽思大散
關頭路雪壓蒙羶夜下程

泛舟至蜻蜓浦小泊漁村

醉泛蜻蜓浦伊啞一艣聲陂塘秋水瘦壚落莫

劔南詩豪

卷之七十三
十七

汲古閣

煙生野店曾留醉樵翁不記名相逢雖惘惘懷
抱已先傾

散策門外隣叟怪其瘦

八十衰翁力旣愆強扶藤杖出門前朝晡恃粥
何勞歎齒脫牙搖已數年

書警

束帶接一客伸紙報一書未爲甚疲勞已覺不
枝梧惟有裏手坐儼然如齋居尙懼精神衰藥

石以自扶

又

情慾雖害人要是自惑溺吾觀日用事飲食眞
勃敵乃知七箸間其禍甚衽席堂堂六尺軀勿
爲口腹役

冬晴行園中

殘菊無復花遊蠶抱枯叢我老復多疾寄迹窮
巷中開門無客至安取樽不空夕陽挂高樹此

劔南詩藁

卷之七十三
十八

汲古閣

日還怱怱

冬晴行園中

冬温光景如春妍算年強健勝壯年手推園門
拂石坐豈暇爲客思無羶殘蕪未死更鬱鬱晚
菊欲稿猶鮮鮮閑愁正得酒彈壓此夕預知當
熟眠

又

桔槔灌蔬固已非竹筧澆花宜見譏杏繁梅瘦

種性別一氣生殺均天機細推物理孰不爾搏
風未可嘲卑飛君其置之且其酌白酒方熟黃
雞肥

懷青城舊遊

宦途到處不黔突惟有劔南縻歲月屢遊老澤
蒼玉嶂疑是虛皇白銀闕松肪擣麩具晨餐榭
葉作衣勝短褐泥飲不容繁杏落浩歌常送寒
蟬沒水邊洞口適有遇握手一言換凡骨少陵

劔南詩豪

卷之七十三
十九

汲古閣

老子未識真欲倚黃精除白髮

晚立

倦憑小豎立柴門殘角疎鐘欲斷魂傷雁養翎
依荻浦渡牛浮鼻望煙村壯心已覺隨年往孤
學何由與俗論數點雨聲催返舍小窗燈火對
壺飧

志喜

雪鬢蕭蕭九十翁短檠猶喜策新功斲輪自得

不傳處治水本行無事中山市兒童隨小蹇江
村煙雨宿孤篷更知衰疾從今減萬里塵清蜀
藥通

窮居

仕宦初何得窮居半士農清宵叔夜鍛平旦伯
鸞春馬磨猶支日牛衣亦過冬湖中有嘯父何
計得相從

湖中隱士月夜棹舟其疾如飛並湖有聞其嘯歌者

冬暖園中萱艸翦然海棠亦著花可愛作

劔南詩豪

卷之七十三
二十

汲古閣

路浚井皆近事也

暖景變嚴冬誰知造化功少留萱艸綠探僭海
棠紅築路橫塘北疏泉小嶺東欣然得佳處忘
却歲將窮

卽事示兒輩

今歲霜遲殊未寒籬東烏桕葉纔丹病輕漸喜
免求藥老甚難誇能據鞍隣舍僧貧分米少酒
坊人熟督錢寬晚來笑向兒孫說且得無生一

話團

小雨頗寒

冬溫初喜一寒新
紙閣塼爐養病身
殘雨已收猶點滴
斷雲欲散更輪囷
衣裳可典寧留筍
口腹雖饒肯累人
一事明朝差似樂
探梅閑岸接羅巾

題舍壁

身寄瓜牛廬手持科斗書
尚憎鴛戀棧肯羨鶴

劔南詩藁

卷之七十三
二十一

汲古閣

藥車富貴何加我
山林亦宴如年來常去殺不
歎食無魚

又

艸沒孔明廬塵流倚相書
家居四立壁出駕獨轅車
窮達本無擇死生良自如
鏡湖三百里處處侶禽魚

仲冬書事

邊頭無警少鈴聲
病得新霜亦已平
赤腳聽蛩

勤夜績蒼頭租犢待冬耕發奩雙兔駢頭臥溢
榼芳醪徹底清里巷紛紛誇節物春盤儼鼓漸
關情

醉舞

渭城朝雨不須歌爛醉江頭舞短蓑自是先生
眼根鈍天狐伎倆本無多

忠蜀

白帝城邊八陣磧青城山下丈人祠英雄不生

劔南詩藁

卷之七十三
二十一

汲古閣

僊又去零落艸間多折碑

又

蜀莊鳴飛隘九區超然豈止山澤癯荒臺古井
無處所行子但覓房公湖

次韻李季章參政哭其夫人

飛蓋傳呼入省門依然殘夢浣花村遙知最是
傷心處衫袂猶霑掃黛痕

又

焚香黃閣退朝歸道話時時正要提九十老翁
綠底健一生強半是單栖

又

萬里羶車入鳳城豈知遽已迫斜曛似聞後院
息遺愛掩淚人人說小君

又

佛供齋僧冀萬分幽明路絕竟難論若爲可慰
重泉念觸事平心無怨恩

劔南詩藁

卷之七十三
二十三

汲古閣

又

煮蒿一去杳難知數紙遺書手自披切勿輕爲
歸蜀夢竹枝忍復聽吾伊

又

害道無如徇愛嗔養生尤要齋精神祝公少置
空閨憶天下安危在此身

又

富貴息歸豈坐透岷山種芋已成區獨歸它日

公無憾天際煙帆與石俱

李公買石甚富將載以歸

試筆

人間元無第一手萬事端如屈伸肘但能看破
卽超然何代商山無四叟老民自視中何有傾
身經營一杯酒此外管城差可人相從且作明
窗友

屠希筆

屠希一筆價必千紹興初載海內傳高皇愛賞

劔南詩豪

卷之七十三
二十四

汲古閣

登玉几求書蚤尊常差肩一朝希死子孫弱歲
久僅可售百錢宣城晉陵競聲價外雖甚飾中
枵然嗚呼世事每如此使我太息中夕起

寒夜吟

仕宦孰不願美官無如兩膊聳聳寒可憐誤信
紙上語至死功名心未闌駘得倚門矍鑠猶
據鞍何如百年中盡付一漁竿布襦可以度雪
夕麥飯可以支朝餐但知禪龕著身穩莫和詩

人行路難

記夢

衣紳飄舉髮颼颼一鶴聊爲太華遊每過名山
息小憩天風浩浩不容留

霜夜

月淡霜清夜漏遲疎鐘杳杳度南陂燈殘有恨
欲誰語雞老無聲如我衰使入蜀川方在道書
傳淮浦定何時若爲可遣閑愁得獨擁寒爐藝

劔南詩藁

卷之七十三
二十五

汲古閣

豆萁

時方附蜀中便舟寄書張季
長家又未得古壽書每關懷

又

土牀紙帳臥幽寂枕上細聽城上更櫂杓燒殘
地爐冷啞唧聲斷天窗明風霜欲透艸茨屋鹽
酪不下薺糝羹猶恨扶犁老無力向來枉是請
躬耕

歲暮

歲暮風霜慘村溪艸棘稠力衰行每蹇衣薄鼻

多艤久矣當長往悠然尙小留兒童報炊熟得飽且忘憂

與野人散策門外

春意侵寒律川雲結夕陰閑人了無事隣叟偶相尋廢沼萍黏塊孤村雀滿林世間眞夢耳何物可關心

十一月十一日夜聞雨聲

入冬殊未寒塵土冒原野溝溪但枯萍不聞清

劔南詩彙

卷之七十三
二十六

汲古閣

湍瀉今夕復何夕急雨鳴屋瓦豈惟宿麥長分喜到菜把明朝開衡門想見泥濺蹀豐年儻可期擊壤歌幽雅

自述

怡然氣貌漸還嬰淡飯麤裘過此生儘道無方能縮地夢中夜夜上青城

又

齒旄復牢能咀嚼足攣漸愈可跏趺短檠非復

衰翁事且與兒孫共地爐

歲暮老懷

粥美忘流歎燈孤伴獨吟
衾寒知夜艾身痛卜天陰
薪炭常憂絕杯觴不厭深
故人今已矣三

歎有遺音

謂季長也

書況

垂白渭南叟溪居湖山村
貧知蔬食美閑覺布

衣尊琴譜從僧借茶經與客論
探梅來直步沽

劍南詩彙

卷之七十二
二十七

汲古閣

酒到偏門細織籠安鶴頻求果
飼猿舊書編未

絕猶足教諸孫



煇

長也

天

洲

蘇

劍南詩彙卷第七十三

